

***Autoridade Bankária & Pagamentu Timor-Leste nian (ABP)***  
***Banking and Payments Authority of Timor-Leste***

---

**Relatóriu Trimestrál Fundus Petróleu nian**

**Trimestre ne'ebe hotu iha 31 Dezembru 2009**

**KOMUNIKADU IMPRENSA**

Autoridade Bankária no Pagamentu (ABP) ohin lansa Relatóriu Trimestrál ba dala sanulu resin walu ba Trimestre nebe termina iha 31Dezembru 2009 kona ba Fundus Petróleu Timor-Leste nian ne'ebé hatudu katak Kapitál fundus nian iha 31 Dezembru 2009 hamutuk millaun \$5,376.63 kompara ho millaun \$5,301.57 iha fim Setembru 2009.

Relatóriu ne'e hatudu katak osan-kontadu ne'ebé mak tama durante trimestre ne'e hamutuk millaun \$394.03 ne'ebé kompostu husi kontribuisaun kontribuinte sira ba fundus ne'e hamutuk millaun \$155.30 no kontribuisaun realeza (*royalty*) sira husi ANP (*Autoridade Nasional Petróleo*) hamutuk millaun \$233.49 no reseitas seluk hamutuk milliaun \$5, 24.

Rendimento husi investimentu fundus nian hamutuk millaun -\$5.63 durante trimestre ne'e, husi ne'ebé kupaun no jurus ne'ebé simu mak millaun \$43.64 no mudansa iha valór merkadu nian mak millaun \$-49.30. Ne'e resulta ba rendimento portefoliu fundus nian durante trimestre nee -0.10% enquanto rendimento referencia (*benchmark*) ba periodu nee nian mak -0.10%. Rendimento portefoliu durante trimestre ne'e hanesan mos ho rendimento referênciia (*benchmark*) ne'ebé mak iha mandatu nia laran.

Lei Fundus petróleo nian espesifika katak Autoridade Bankaria no Pagamentu nu'udar Banku Sentrál Timor-Leste nian iha futuru, mak hanesan ajente ne'ebé responsavel ba jestaun operasional fundus Petroleu nian. Ministériu Finansas responsavel ba establecimento estratéjia investimentu tomak kona ba Fundus ne'e nian.

Mandatu nebe fo ba ABP laiha mudansas, katak, atu jere fundu ne'e besik ba Indise referensia Merrill Lynch tinan 0-5 Governu Estadus Unidus nian enquanto BIS nia mandatu mak jere fundus iha maneira retornu portefoleu titulus diversifikadu ho objetivu atu dezempenha liu referensia (*benchmark*) e mantein *ex ante tracking error* iha Pontus baze 100 nia laran.

Autoridade Bankaria no Pagamentu maneja ona portefoleu besik liu ho pontu referensia trimestre dala 18 dahuluk. Diferensia entre portefoliu no pontu referensia hahú husi inísiu fundus nian mak pontu baze -0.06 iha mandatu nia laran.

Pontu importante husi Relatório Trimestre ba dala XVIII, ne'ebé kobre períodu 1 Outubru toó 31Dezembru 2009, inklui:

- Saldo balansu inísiu hamutuk millaun \$5,301.57.
- Reseitas durante trimestre ne'e hamutuk millaun \$394.03 ne'ebé kompostu husi reseita kontribuinte sira hamutuk millaun \$155.30, reseita nebe realeza husi ANP (*Autoridade Nasional Petróleo*) nian hamutuk millaun \$233.49, reseitas seluk hamutuk millaun \$5, 24. Osan nebe sai mak millaun \$313.43 Kompostu husi transferensia ba Orsamentu Geral Estadu hamutuk millaun \$312, no gastu hodi

- kobre kustu operasional nian hamutuk millaun \$1.34. Osan kontadu liquidu nebe tama ba Fundu durante trimestre ne'e mak millaun \$80.69.
- Rendimentu portefolio mak -0.10% durante trimestre ne'e no rendimentu referensia (*benchmark*) mak -0.10%.
  - Rendementu investimentu durante trimestere ne'e mak millaun \$-5.63 kompostu husi jurus titulus nian millaun \$43.64 no alterasaun valor titulus mak millaun -\$49.30.
  - Saldo balansu ikus hamutuk millaun \$ 5,376.63.

Relatóriu trimestrál, no mós lei Fundus Petróleu nian no Akordu Jestaun, disponivel husi sítiu Autoridade Bankária no Pagamentu [www.bancocentral.tl](http://www.bancocentral.tl)

Ba informasaun adisionál bele hetan husi:

Venancio Alves Maria  
Diretór Ezekutivo  
Jestaun Fundus Petróleu,  
Autoridade Bankária no Pagamentu Timor-Leste nian  
Korreiu-Eletróniku: [venancio.maría@bancocentral.tl](mailto:venancio.maría@bancocentral.tl)

Telefone: + (670) 3313718

Dili, 8 Febereiru 2010